

Guangjisi Minzcu Bau

ganbbau: CN45-0036 B.2014 Nd.7 Ng.16 liggaueq gyapngux nienz ndwenloeg ngeibcib

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3132期

Yungzsuij:

Bineix Aeu Gouj Aen Cosih Guh Ndei Hong Minzcu

融水:九大措施做好今年民族工作

Geij ngoenz gonq, Yungzsuij Myauzcuz Swciyen Minzcuiz giet-dingh giethab gij cingzvang saedsaeh dangdieg, bineix aeu gouj aen cosih youqgaenj guh ndei hong minzcu.

It dwg nyinhcaen hagsib gvancez dangj cibbet daih cingsaenz, haeujlaeg gaihcanj dangj raeuz ginzcong lusen sizcen hozdung, haenqrengz guh hong hawj hong minzcu miz yienghsiengq moq. Ngeih dwg gyarengz senhconz

minzcu cwngecw fazgveih, haenq-rengz saedyienh minzcu gunghcoz seveiva. Sam dwg baengh minzcu cietgingq nem cietbaebo, haenqrengz dajcaux buek minzcu vwnzva maenhndei ndeu. Seiq dwg nyinh-caen guh ndei hong swncienz, henhoh, fazcanj minzcu vwnzva, okbanj buek saw, deb miz minzcu daegsaek ndeu. Haj dwg guh ndei hong henhoh doenghgiy mbanj miz minzcu daegsaek. Roek dwg cizgiz ceng'aeu gij cienzngaenz fazcanj

saujsu minzcu, cietsaed dwk vih saujsu minzcu fuzvu. Caet dwg dajyinx Gunjbei Duncuz Yangh guh ndei hong angqhoh laebbaenz 30 hopbi, caencingq hawj vunz mbanj Duncuz roxyiuj gij minzcu cwngecw dangj raeuz ndei. Bet dwg gyagiengz guh ndaw giz neix gihgvanh gensez. Gouj dwg cujiz guh ndei buek hozdung ndaw ciet 2014 nienz Cungguek • Yungzsuij Myauzcuz aenvenz maxdoxidik neix.

(Moz Cwngzvej/莫成伟)

SIUSIK DINJ

简讯

● Duenh gonq, Nanzdanh Yen ciuhai minzcu mouyiz giyez bingzsaemjvei, saemjdingh 13 aen giyez dwg minzcu mouyiz giyez, daengx yienh minzmou giyez youz 7 aen fazcanj daengz 20 aen, minzmou giyez gyalai 185%.

(Yangz Caijyenz)

● 2014 nienz buenq bi gonq, Nazboh Yen Minzcuiz gungh ceng ndaej daih'it buek hanghmoeg cienzngaenz fazcanj saujsu minzcu 24 aen, cienzngaenz 940 fanh maenz. Guh gij hanghmoeg neix, hawj aen yienh neix saujsu minzcu ndaej gaijndei swnghcanj swnghhoz diuzgen, gyalai vunzlai souhaeu.

(Vangz Bizvaz)

● 7 nyied 11 hauh, Fuconh Yauzcuz Swciyen Gwzboh Cin Sinhbohgaish Cunh daih'it aen lajmbanj gyauyuz gihginh laebbaenz lo, laeb aen gihginh neix dwg vihliux hawj lwgnyez lajmbanj haenqrengz doegsaw, hix dingh le ndaw cunh bouxlawz gauj hwnj dayoz le, couh ndaej cienzngaenz bangcoengh, neix vunzlai haenhndei.

(Cinz Yengiz)

● 2011 nienz, Mungzsanh Yen bouxcoz dajgoeng dauqranz de heuhguh Lij Yauvuj youq Sihhoz Cin Lozyungh Cunh laeb roegbeggap dajciengx gihdi, seizneix ciengx miz 6000 lai doiq. Dangqnaj aen gihdi neix baengh aen Yinyiz Roegbeggap Dajciengx Conhyez Hozcozse, fazcanj seyenz 80 lai hoh, bangfuz 50 hoh gungzhoj dajciengx roegbeggap, neix hawj dangdieg ndaej gaijbienq le ginghcei gezgou.

(Vangz Genyenz Gvahn Sinh)

● 2015 nienz dwg Duh'anh Yauzcuz Swciyen laebbaenz 60 hopbi. Swcigih Yinzminz Cwngefuj nem swcigih gak mizgven bumwnz daihlig cihciz aen yienh neix guh yienhgingq hanghmoeg gensez, hawj cienzngaenz 6073 fanh maenz, yungh daeu youq dieg saujsu minzcu comzyouq guh yinxraemx, doengdienh, roen daengi 23 aen hanghmoeg gihcuiz sezsih.

(Lanz Fuzgvanh Banh Cing)

Fangzewngzgangj: Sing Gyong Goksa Angq Coux Hek

防城港:鼓声如雷迎游客



7 nyied 12 hauh, Fangzewngzgangj Si Gangjoug Gih Gisah Cin Niuzlu Cunh Mbanjdwbkbya Lwzsanh gawjbanh ciet yawj haijcauz(raemxhaij hwnj), guh le haujlai minzsuz byaujyenj, dazyinx haujlai hekyouz daeu yawj haijcauz nem ngonz minzsuz byaujyenj. Ndawde, youz Ginhcouh Si 20 lai boux lauxhangz roq gyong ndawbiengz de byaujyenj roq gyongdaen'ien gig yinx vunz. Sing gyong goksasa, dazyinx baenzlai hekyouz daeu ngonzyawj. Ndaw doz dwg gyoenq lauxhangz cingq roq gyong. (Liengz Fuyingz/梁富盈 ingj)

Yungzanh:Diegdeih Hawj Vunz Yungh Le Saujsu Minzcu Ndae Laisou

融安:土地流转助少数民族农民增收

Daj bineix daeu, Yungzanh Yen Dandouz Yangh giethab dangdieg cingzvang, damqra lai cungj fuengsik hawj diegdeih hawj vunz yungh, guh daengz "aen yangh aen canjyenz, aen mbanj aen binjbaiz",

yinx doenghgiy giyez nungzyez daeu daeu dawz reihnaz lien baenz benq bae, aeu cungj mozi gunghsw + hozcozse + nungzhoh neix, dajndaem duhyangj, lwgdieng, byaekmbungj daengi gij byaekgnw maenhndei

fouz haih. Doengzseiz, bangcoengh nem gujli saujsu minzcu nungzminz fazcanj gyahdingz nungzcangz, hawj saujsu minzcu nungzminz ndaej laisou baenzfouq.

(Danz Gajjhingh/谭凯兴)